

集部

欽定四庫全書

集部

浮溪集組録

詳校官庶吉士臣新樹培

侍讀臣孫球覆勘

謄録監生 臣史快終校對官助教 正汪錫魁 總校官檢討軍何思的

余曰天下有能事而文章為難工由漢迄唐千有餘歲 天下號浮溪集凡若干卷公以書屬故人孫觀為之序 專以文學議論居儒官從臣之列所為詩文若干首傳 學諸生策高第校三館秘書尚符璽再遷尚書郎立柱 顯謨閣學士左大中大夫知徽州汪公自崇寧初起太 浮溪集原序 S/1.10 101 1.1.10 下為右史遂贊書命入翰林為學士蓋仕朝廷三十年 一時大手筆作為文章関麗精深傑然視天下而自立 浮溪集

擇之不精守之不固殉名而偷習鄙而陋固不足與于 終其身而一能之善一語之工亦遂列于作者之林而 斯文左太冲積十年之勤僅成一賦劉伯倫以一酒德領 前其間心競力取馳騁上下欲一感以造古人之域而 為古今詩人之冠至他文輒不工首卿所謂藝之至者 名後世今汪公之文所謂関麗精深傑然視天下者也 不兩能信矣夫道喪文敝作者衆矣詞句像淺益不逮 于不朽者盖幾人而已杜子美詩格力自大雄跨百代

之所接雜然觸于中而發于詠歎者必寓之于此崎嶇 意有所適者必寫之于此登高望遠屬思千里凡耳目 **新唱員歌為一病寤寐千載心摹手追貫穿百氏網羅** 者亦必寓之于此伎與道俱習與空會文從字順體質 兵亂潛深伏與悲歌慷慨酣醉無聊而不平有動于心 舊聞推原天地道德之旨古今理亂與廢得失之迹而 公平生無所嗜好至讀古聖賢之書屬為詞章如唱土


渾然不見刻畫如金鐘大鏞叩之輛應愈叩而愈無躬


*


浮溪集

發于文深醇雅健追配古作學士大夫傳誦自海隅萬 生だロアノー 人之本意覽者當自知之公都陽人諱藻字彦章云晉 里之遠莫不家有其書所謂常楊燕許諸人皆莫及也 公以儒先宿學當大典冊東太史筆為天子視草始大 何其威也公在館閣時方以文章為公卿大臣所推重 公詩自少作已有能名及是與年俱老與微託遠得詩 一篇出余獨指其妙處公亦喜為余出也後十五年 P

スとの日ましたことは 欽定四庫全書 浮溪集目錄 卷 卷三 卷二 奏疏十一首 表二十四首 奏疏四首 浮溪集 集部四 别集類三宋








卷十八卷十八首記八首 蓝議一首 卷十六 内制三十首 策問一首

好 定 庫全書 卷二十首 卷二十二首 卷十九首 卷二十一 碑二首 目記 錄. 赞二首 傳一首 書割六首

· シミコラム言 思 海溪井	卷二十六	誌銘五首	卷二十五	神道碑一首	卷二十四	啓二十八首	卷二十三
roj				行狀三首			



C) A.) D tol Lidde 巻三十二 卷三十 詞三首 六言絕句三首 五言排律六首 七言律詩七十八首 文苑傳云饒州德興人孫觀作藻集序則云 臣等謹案浮溪集宋汪藻撰藻字彦章宋史 浮溪集 五言絕句十五首 七言絕句六十一首

金女と人人 集龍溪文集六十卷共一百二十卷宋史藝 書志者僅十卷陳振孫書錄解題始載浮溪 集六十卷而趙希弁讀書後志又增猥蒙外 婚為南波後詞臣冠晃其集見于晁公武讀 文志並著于錄然趙汸跋羅願小集謂浮溪 閣學士左大中大夫封新安郡侯藻學問博 盖舉其郡名也登崇寧二年進士歷官顯謨 都陽人放宋史地理志德與縣屬都陽郡觀


次定四車全書 皆題曰浮溪集視文粹所收不啻倍從謹重 觀藻著作僅據是編而其原本終不復可見 為十五卷名曰浮溪文粹刊行于世學者欲 傳浮溪文六十五篇詩二十七首詞三首合 其後遂亡佚不存嘉靖中有胡堯臣者以舊 之文再更變故失傳與多則明初已非完帙 今檢勘永樂大典各韻內所載藻詩文甚夥 為編級東合成快雖未必盡符原數大約亦 浮溪集

傳誦以比陸對說者謂其製作得體足以感 達曲當情事詔命所被無不悽憤激發天下 追配古人孫觀作誌銘以大手筆推之尚可 動人心實為辭令之極則固不獨其格律精 密檀絕一時其他詩篇雜文亦多深醇雅健 如隆祐太后手書建炎德音諸篇皆明白洞 十得其六七矣藻工于儷語所作代言之文 無愧雖楊萬里誠齊詩話紀藻與李綱不叶

峨媚山普賢菩薩等處表本一篇奏告潭州 揚罷散表一篇功德疏表一篇均非文章之 南嶽司天昭聖真君等處表本一篇祈禱道 未可以一告 掩也惟明堂大禮畢奏告三清 免為清議所譏然其文章自能雄視一代固 本二篇明堂神異露香表本一篇奏告嘉州 玉皇大天帝聖祖天尊大帝元天大聖后表 其作網罷相制詞至比之雕兜少正卯頗不

· 決定四庫全書

" 浮溪 **集**



欽定四庫 てこうこ ここ 奏流。 難今國家之危如坐燒屋之下漏船之中陛下 TANK MAN Committee without & Ą 大田の 大会門はならない。 Company and the state of the control 浮溪集 蹈鉄鐵之誅義士猶不以 ·無犬吠之驚人臣以未 宋 汪藻 撰

舎醫之外皆非所急也陛下不以臣為愚雖不施行然 樂飢者當用食舎食之外皆非所急也已疾者當用醫 惨惨效忠于陛下之時也臣昨扈蹕温州喾蒙陛下賜 盗過寇生財之要而卒曰當虚己而力行之此正臣等 態用猥井之辭取塞詔旨而已豈臣等事君之義而陛 憂勤未知所以拯救之術而求言于臣等價猶独智故 下所以望臣等之意哉況陛下詔臣等以當今保民弭 以條對臣以為方今所急者惟馭將一事更無他說營

清心省事而已為足以卻之乎建立法度制禮作樂而 之古之進說者曰人君恭儉愛人清心省事建立法度 以卻之而陛下諸將爵禄已極家貨已盈習成悍騎無 已為足以卻之乎是必陛下能使諸將能使士卒為足 騎充斥于中原羣盗跳梁于諸路陛下專于恭儉愛人 君不可須更而忘然今日用此則未足以解紛何則敵 頗加採納臣今日區區之愚猶守前見敢再為陛下陳 制禮作樂豈非甚盛之舉而至美之談歌是數者固人 7 A. D. T. A. J. A. 浮溪集

復鬪志一方有警輛狐疑相伏無一人奮然為國請行 之說三馬惟陛下留神省察一曰示之以法二曰運之 子是豈為國家平禍亂立功名之人哉臣于此有取将 金好也是人 者或敦迫不得已而行則邀例外之賞肆無名之求上 帥未嘗一日廢賞亦未當一日廢刑如冬夏寒暑然相 不恤國下不恤民使朝廷為之追勉曲從不啻如奉驕 以權三曰别之以分何謂示之以法古者人君之于將 須而成豈有獨恩無威漫然略不繩治如今日之甚者

矣先驅不肅顔真卿劾之王為之不敢當闕而乘李祐 前死且今諸將悍騙已成雖朝廷有法果能一一治之 曹為腹心孜孜拊循猶懼不濟奈何欲哪其心將誰肯 文哉古者人君以恩結人必有人臣為朝廷任其責者 者可予可奪可生可殺今溥天搶攘國難未已方籍此 哉議者謂承平之時朝廷尊祭操縱由我故武夫提兵 肅宗在靈武廣平王以兵二十萬復長安其權可謂重 乎此言是也然臣所謂治之以法者豈欲明主自親其 次 主四車全書 海溪集

之祐曰今日膽落于温御史夫先驅不肅違韶進馬于 一言及之者豈以爲細故而不足言也哉揣陛下非所 之大者知朝廷有人不復敢萌于胸中矣今諸將雖驕 軍政未有害也而二臣已不貸如此蓋小過不貸則惡 夜入祭州縛具元濟其功可謂大矣違詔進馬温造刻 居時聚談切齒無不以諸將負國為言及進言陛下不 然臣得之傳聞亦尚知畏朝 廷之法而陛下羣臣方平 /持撫目前為這責進身之資而已至此事則未當有

轡毀首碎胸雖跬步之間不能使之前矣高祖之諸将 之力足以勝馬然後周旋曲折惟我之聽不然竊街能 樂聞而不以告耳殊不知陛下專于用恩恩過而驕有 內奪其印符麾召諸將易置之信蓋不知也及信下魏 其泉雄而難制者莫如韓信方其圍于榮陽漢固危甚 樂聞之有哉何謂運之以權臣聞取將如取馬必馭者 司時一警馬是使陛下結其心者 愈固而愈深也何不 人人懷去就之心高祖一旦入其軍中自稱使者即卧

次定四車全書 洋溪集

從為楚王以信之材而周旋曲折惟高祖之聽者豈不 使之心畏誠服者謂解衣推食便足以得其權心者果 之用而不辭也大抵人君之于將帥必有得其要領而 將將是信自知其材惟髙祖足以制已故甘心倪首為 代輛收其精兵以距楚既項羽死垓下則又盡奪其軍 以破之而崇文素憚劉雅使人謂曰公不奮命當以雅 以其智足以勝之故耶故信嘗曰陛下不善將兵而善 也唐憲宗時劉開叛蜀宰相杜黃裳度惟高崇文足

今諸将皆齷齪常才固不足深思萬一有如韓信者不 倉卒之時可收其精兵而用以自衛乎于立大功之時 要領也高祖之用韓信其術豈亦出此哉今陛下諸将 代崇文懼盡力縛賊以獻是以雅代崇文者黃裳得其 以劉雅代崇文之術不可不知也何謂别之以分漢髙 知陛下何以待之如此則平居之時亦當深察其姦如 可奪其全軍而使之歸鎮乎臣有以知陛下不能矣幸 ラへこし日 う かこう 謂功臣曰諸君知獵乎夫獵追殺獸者狗也而發縱 浮溪集

關張之徒不得而預也唐太宗所與謀者房喬杜如晦 彭之徒不得而預也蜀先主所與謀者諸葛武侯而己 第而將帥則聽命于前為之役使此命之所以一而功 已陛下以為謀之不臧數慎擇而易之可也獨不可使 之所以成也高祖之所與謀者蕭何張良陳平而已縣 指示歌處者人也今諸君徒能走得獸耳如蕭何則發 而已英衛之徒不得而預也今謀臣之任宰相執政而 縱指示者也蓋古者用兵謀臣坐于帷幄之中以出籌

武夫參預其問竊觀陛下對大臣不過數刻而諸將皆 言者恐必有可疑之迹不可不慎也又廟堂者具瞻之 籍權勢而已比道路流傳遂以為陛下進退人材諸將 得出入禁中是大臣見陛下有時而諸將無時也臣非 或預馬以陛下英睿擇善而從顧于此曹何有然致此 所知識必不能上補聰明不過入則希求恩澤出則悉 不知艱難之時陛下欲得其心姑與之無間然此曹何 2 a.) O and has 地大臣為天子建立政事以號令四方者今諸將率驟 浮溪集

于私者必不肯以為可行便于已而不便于國者必不 臣必執被趙庭肅揖而退非文具也以為等威不如是 遇徑前便衣密坐視大臣如僚友百端營求期于必得 也乃使之從容預謀彼既各售其說則利于公而不利 之嚴不足以相制以今觀之一何陵夷之甚那兼國家 也而諸將必在馬夫諸將者聽命于朝廷而為之使者 而後已朝廷豈不懼卑哉祖宗時武臣莫尊三衙見大 師遣將詔侍從集議者所以慎之重之博衆人之見

青以為可罷欲責其冒鋒鏑趨死地難矣臣愚以為自 今諸將當律以朝廷之儀每有奏陳必使之如有司之 論之餘庶名分不至混淆而可以責其功效是三說者 式母數燕見其至政事堂亦有祖宗故事且毋使參議 欽定四庫全書 也自五六十年來士大夫喜操生財之說民窮至骨矣 乎遏寇哉若夫國財之生則臣願陛下毋以生財為言 果行足以駕馭諸將矣何憂乎保民何難乎弭盜何患 今四方莽為盗區國家所有不過數路數十州而已所 泽溪集

之賦為非尚有其半也今則直盡而已耳南畝之民寒 平其可耳外之可以裁損者軍中之目請內之可以裁 耕暑耘黧面塗足終歲勞苦而不厭糟糠者陛下不得 謂生者必生之于此數十州之民古者以暴賦橫斂為 者陛下不得而聞也貼妻賣子至無地可容其身者陛 非尚有賦斂之名也今則直奪而已耳古者以收大半 下不得而知也尚何以生財為哉惟有痛加裁損無幾 而見也胥吏坐門朝幕不得休息愁歎之聲日與死比

是也有以使臣之名而請者一使臣之俸實兼十人戰 士者率三居其二有說名而請者一人而挾數人之名 欽定四庫全書 謂之真命今則一軍之出四方游手者無不竄名軍中 之用也有借補官資而請者異時借補猶須申稟朝廷 士之費而行伍中使臣大半是養兵十萬而止獲萬兵 民之財當一銖一縷一粒以養戰士今一軍之中非戰 損者禁中之汎取何謂軍中之冒請朝廷不得已而取 既得主帥借補便悉支行禄廩與命官一同無有限極 卷浮集

置軍期司率斂民財無復稽及恣為侵漁與盗無異此 牒以百計者月有進馬以陛下清心寡懲必無嬪嫱横 以來州縣貪殘之吏惟患盗賊之不來一聞入境則便 敢訶結其盗支之物至不可勝計不惟是而已自軍與 訪聞岳飛軍中如此類者幾數百人州縣懼于憑陵莫 在有司而禁中時有須索如戶部銀絹以萬計禮部度 而不治雖財賦日生于國家果有秋毫之益哉何謂禁 汎取臣竊觀國家軍兵之的百官之廩乗與之俸悉

安予也然人主用財要須有名使有司預聞用而無名 是取民膏血擲而棄之溝中耳至于度牒則國家以虚 並加裁損大農之計雖未知有餘其視不知節用而專 補幸母以為方寸之紙捐以予人而不知惜也若內外 輕別輕免一時搭斂之瘡痍而實濟軍與之用誠非小 名而權天下之實利陛下用之以重則重陛下用之以 Ste.) On a L Links 務生財者有間矣陛下所以詔臣者臣固己畢陳于前 給宴游侈費也以陛下恭勤節儉必無營繕浮耗使令 浮溪集

古今一同此必然之理也國家以三衙管軍而一兵之 後悔無及那晉以六卿帥師而卒于分晉者六卿也魯 未有不為患者豈不以予之至易收之至難不蚤圖之 霜堅冰至象曰優霜堅冰陰始疑也馴致其道至堅冰 矣而臣有私憂過計者敢復言之臣聞坤之初六日履 戚而漢由是以亡唐自中葉兵在神策而唐由是以亂 也蓋患之不可不豫防者如此自古以兵權屬人久而 以三家帥師而卒于弱魯者三家也漢自元成兵在外

觀自古偏方霸國提兵者未嘗乏人豈以國家四海之 所謂吾恐季孫之憂不在顓臾而在蕭牆之內也臣當 大雖曰多故而將帥之材遂至寥寥如此哉意偏裨之 密院已不得而制矣臣恐寇平之後方有勞聖慮孔子 出必待樞密院之符祖宗于茲蓋有深意今諸將之驕 稗十餘人人裁付兵數千直隸御前而不隸諸將合為 今之時當用漢建諸侯之法衆建之而少其力精擇偏 中必有英豪特為二三大將抑之而不伸耳臣以為及 てこりを こち Į 浮溪集

信之矣或問不得已而去于斯二者何先曰去兵去食 陛下一言臣則有罪臣當聞孔子之言曰足食足兵民 **盛德之事也臣幸以侍從蒙恩領州熟脈疾苦而不為** 竊惟陛下屢降明詔求直言欲聞民間疾苦朝廷闕失 微而忽其言不勝幸甚 数萬以漸銷諸將之權此萬世計也惟陛下母以臣人 金ガラとたく 夫食之與兵不可去也明矣聖人豈不知此而顧獨存 撫州奏乞罷打造戰船等事

財利之在人間非無量數之物也譬一危之水酌之一 咨怨其故何哉陛下以空文示民而民莫之信也何則 傳所載也臣伏親近日百姓見朝廷命令之領反嘻笑 宜父老扶杖往聽願少須與母死思見德化之成如書 丁寧出于誠意官吏于常賦外秋毫及民者颠論之是 也陛下即位以來詔令之下未當不以恤民為言懇惻 區區之信哉以為不信之禍甚于無食無去不可不慎 文定四車全書 **厄則竭矣豈復能供鍾釜之用乎國家逐路逐州逐縣** 浮溪集

之財皆有成數量入為出其理當然今朝廷不問一路 守郡守不問一縣多寡有無而責之縣令今日移文曰 臣所領一州言之歲得酒稅錢不過六萬縣而月椿大 應期會此所以陛下有爱民之心而民莫之信也且以 便文遞相逃責至縣而極矣推移不行則浚民胎膏以 支經制錢若干不管闕誤不稟承者以威命臨之上下 為某事支係省錢若干不管闕誤明日移文曰為某事 多寡有無而責之漕臣漕臣不問多寡有無而責之郡

當用四十餘萬緣不知此錢從何出哉雖積欠當惟而 軍起綱水脚官吏軍兵請給衣賜打箭頭鐵葉等錢歲 次定四軍全書 諸縣計置材植人工方欲施工間二月初六日又准安 畢出達限期官吏並重寡典憲臣永命惶怖即時行下 病民者言之打戰船買箭蘇翎毛是也本州正月初六 有可議者曰遽改之難臣請試指目前一兩事最急而 積欠非朝夕可得以為不取之于民是欺陛下耳然尚 日准安撫轉運司指揮撫州打戰船二十二隻限五月 浮溪集

使指揮分抛二十六車船各一隻下撫州候樣打造三 大各一隻本州辦集工料如前三月初四日又准安撫 月初六日又准安撫轉運司指揮分抛二十車船一隻 撫轉運司指揮本州改造大樣車戰船二十二丈十六 止于打造二十車船一隻安撫轉運司每承聖旨指揮 不知其樣如何豈復當改易也木植人工驅而致之水 有改易民間莫知執守數月為之騷然今方候降樣 撫州候樣到應期打造前後四牒未當一同雖其末

能及朝廷所降之數哉借使便得此錢以官錢貼支猶 牒矣何以民為不知軍與以來 度牒重重相因雖減價 十二丈法當用材四丈有餘此材非深山窮谷中無有 集是重擾也不知此役何時已那建議者必曰官降度 演去州百餘里一月餘矣樣未至間勢當復散散而復 CINDOLANS 浮溪作 也挽而致之水演豈一日之工一人之力哉船之可用 須四倍其數民間之費又當數倍于此蓋船之大者二 不售今又州州承打船抛降倉卒安能成錢亦其錢豈

參議論共功名之人哉陛下聽其言而使數路生靈為 得無用程昌萬之言乎昌萬人材難逃聖麼是果足與 毛一百餘萬一州之數如此總諸州蓋不可勝計矣亦 之數下所產州郡收買撫小州也歲買箭簳二百萬翎 之嗷嗷臣竊以為過矣至于箭簳翎毛有司當計實用 食之計人人愁歎陛下所當恤也不知能為陛下畫此 不可用非臣所敢知但見江西地理素薄民生甚微方 此耕蠶之時舉家暴露脈田桑盼盼然不得為卒歲衣

民不若安然作城萬一羣起合而為一豈不為陛下宵 雉鶇鶩取之物被其毒矣豈特民乎夫民既無聊如此 他郡各憂不足安能及人此其價所以十倍也故一幹 安用其數如此之多乎大抵地非所生必求之他郡今 而江西一路數千里之間羣盗處處盤結以爲勞而爲 事者詰朝訟者執翎毛羅立于縣庭之前往往旋捕鴈 之直幾百錢而翎毛則尤難遽集至有縣令以翎毛決 肝之憂乎況方解嚴之時尤當愛惜民力若平居無日 をいりついないす 浮溪集

哉臣不勝憂懣待命之至取進止 有一分可採陛下何忍驅數州赤子使之相延而為盗 臣按行而巡問之乎懷不如臣言臣當受罔上之罪萬 也必矣然事固有不可忽者陛下胡不遣一二忠信之 寒心者此也此皆陛下與大臣畫可帷幄之中而臣乃 不擾不知四方有警陛下何以待之臣所以夙夜為國 以區區之愚妄言于闕庭數千里之外其不為下所信 金歩に足り 奏論諸將無功狀

人勉强一戰未聞以堂堂中國之大州縣所存者大半 籍雖至微弱之邦至衰闇之主敵人臨境猶能使其國 祖宗土宇日壓一日生靈塗炭歲甚一歲臣當稽之載 臣竊惟金人爲中國患雖已五年而自陛下卽位以來 淮南則破淮南至浙江則破浙江嘻笑而來飽滿而去 陛下英明之資勵精求治無失德于天下而敵騎長驅 坐令原野厭人之由川谷流人之血宗社不絕如幾以 去其都萬有餘里如入無人之境至山東則破山東至 飲定四車全書 浮溪·集

賣補官至一軍之中使臣反多卒伍反少其志可謂驕 萬乘之尊至于乗桴入海張張然未知稅駕之所其所 鐵之除無兩鎮之重視執政之班有韓琦文彦博所不 未得其術也今陛下所謂將師者誰乎臣知之矣不過 以至此者何哉將帥不得其人而陛下所以取將帥者 衣所食者玉食奢豪無所不至雖與臺厮養皆得以功 敢當者其龍可謂極矣論其家則金帛充盈所衣者錦 日劉光世韓世忠張俊王瓊之徒是也論其官則膺節

次 定四庫全書 哉奈何敵未退數里間遠狼狽引軍而行其引軍而行 不敢復南此則俊忠于陛下也其利害豈直為今日計 守數日待敵再來乘其機會極力勒除敵必終身懲創 能為陛下施一鏃之勞獨張俊明州僅能少抗若更堅 者防秋之時責其死力耳及敵人之來是數人者曾不 者陛下不得而吝也然天下之人猶謂陛下寬之至此 敵人者陛下不得而問也擁重兵居閒處邀搞設錫資 矣平時飛揚跋扈不循朝廷法度所至焚掠驅擄甚于 浮溪集

皆要害之地當宿重兵故以杜充 守建康韓世忠守京 敵人之侵宵肝焦勞未當項刻少安以建康京口九江 張俊使之也臣當痛念自秋以來陛下為宗社大計懼 挑之是前日至小之捷乃莫大之禍也未幾果殘明州 懼屠戮況己致怨而去既不增兵益戍反旋軍空城以 也雖三尺童子知其不可以為寇性強愎不嬰其鋒猶 無噍類是殺明州一城生靈而陛下再有館頭之行者 口劉光世守九江而以王變隸杜充其措置非不盡善

而張俊方且以萬人殺數十人之功冒朝廷不貨之賞 夕飲宴敵至數十里間不知嗚呼諸將已貧國家罪惡 掩其後可使奔北之不服泊杜充力戰于前世忠王瘦 如此謂須少畏陛下之威憚臺諫之言日夜惶恐席蒙 卒不爲用劉光世亦偃然坐視不出一兵方與韓招朝 也若敵騎渡江杜充韓世忠王瓊并力扼其前劉光世 到質請罪有司謝數州生靈之死亦知尚有朝廷之法

白明引軍至温道路雞犬為之一空居民間來奔逃山

浮溪集

とこのようないる

哉方國家危急之時所恃者諸將而諸將所為如此不 索動以干計公然移文曰無使枉害生靈其志果安在 之極矣而百姓尊君親上之志略不少衰豈非祖宗德 得民也得民者以得其心也兹者陛下南巡可謂播遷 者豈以為不急之務哉以天步艱難正借此曹為重而 知何以立國臣竊憤之此事人皆知之而無為陛下言 不敢言耳然臣竊有懼馬臣聞王者所以得天下者以

谷數百里問寂無人煙王變自信州入閩所過州縣邀

則 為民害車駕所過一路則一路罹其裁所過一州一縣 澤結人之深而恃陛下爲之主耶所謂爲民主者平日 法以繩是復為江淮兩浙無疑矣古者天子所臨日幸 湘幸蜀則敵人侵其前而無人以拒官軍残其後而無 今諸將聞敵人之來則望風遁逃反汲汲內相攻殘以 取民財力以養兵緩急之時排難解紛而使民安業也 言所過人以為幸也豈今日之所謂哉臣恐人心一 一州一縣羅其裁今江淮兩浙己如此矣萬一幸湖

とこの きんこ

浮溪集

揮以備警急警急則引去曰朝廷召我矣其實欲自通 矣陛下諸將皆本無關志方無事時例先取赴行在持 時士卒頗有願留擊敵者俊聲言陛下召之臣知其説 而陛下無所恃也持此將安歸乎臣又聞張俊離明之 而陛下又令之使遁也夫士驅之使關猶懼不前況令 臣此尤可罪臣比至黃嚴聞陛下使李捧屯兵縣中 指麾云俟金人至台州則前來温州是諸將既欲通 又假上韶令以欺其欲戰之人使歸非于上及用事

惟王壞本隸杜充充敗于前而變不救此不可赦當先 後之軍獨可賞其有功將士耳所以移軍輔通者後也 斬變以令天下其他以次重行貶降使以功贖過如張 怪哉臣竊觀今日諸將在古法皆當誅然不可盡誅也 之使遁那然則敵人長驅無所忌憚者適其宜耳何足 罪亦何逃如此庶幾國威少振昔周世宗承五代之衰 将士習為驕惰河東之敗一日 而斬大將樊愛能等三 十餘人然後東征西討無不如志白起于秦可謂有功 **於定四車全書** 浮溪作

一視之何如哉所就者布衣而取天下也以今諸将之功 是數君者其知之矣何則人之欲無窮恩有時而既惟 于據掠之資矣用幾何錫麥而能滿其意哉如有賞而 吾威足以制之然後恤馬足以為恩況此曹平時厭飲 容不整坐之纛下蓋威克厥愛允濟愛克厥威九罔功 漢髙祖之興所將者韓信縣布彭越也以今諸將之材 無刑是姑息之政耳自古有能以姑息而成功者乎且 一不受命賜死社郵郭元振唐之勲臣也明皇怒軍

善將兵而善將將豈非將將者人主之職耶今陛下當 視之何如哉然高祖于是數人者欲王則王之欲誅則 其至誠徇國所至人心震恐動有意外之憂有之不如 智至此陛下已不得而用已不得而制矣非特無以責 息肩國家何時與復以臣觀之今日之兵今日之將玩 俊集西兵而來則又靡靡相效成風矣不知生靈何時 以將將為職熟視諸將悍驕如此而無以治之異時張 誅之曾不少貸此其所以為高祖也故韓信曰陛下不

次定日車全書 等演集

陛下親軍亦聽其節制稍稍以法裁之凡軍輛敢擅移 陳則敵或盡數過江或于建康杭越等州留兵占據守 武持為諸將所抑而不得伸耳若陛下馭諸將如臣所 一神中擇人材可用者問付以方面之權待其有功加以 屯以護駕為名者主將將佐僚屬並論如法仍使于偏 新人耳目之時莫若擇有威望大臣一人統攝諸將雖 無之臣愚以為敵退之後正朝廷大明賞罰再立紀綱 爵扶陰為諸将之代以天下之大豈無數人將帥之材

當用食舎食之外皆非所急也已疾者當用醫舎醫之 罪當萬死 務惟陛下與大臣熟議斷而行之臣愚狂瞽不知忌諱 外皆非所急也今日所急在于馭兵取將其他皆非先 如雨言利之臣能使錢流地上何益于事哉譬禦飢者 浙亦可幸湖湘亦可如其不然雖大臣忠貴白日謀臣 亦有功戰亦有功車駕回臨安或平江徐議所向留江 九一日三人二百 奏論呂源除兩浙轉運使姜仲謙除轉運副使不 浮溪集


姜仲謙是二人者其操行行濁略同一旦並制選除且 留意監司慎擇人材非他路比及除目之出乃用呂源 本之地新經兵火郡縣瘡痍大半未復議者謂朝廷必 産禍召亂有不可勝言者今兩浙密邇行在蓋一時根 守監司郡守休戚止于一州監司實通一路尚非其人 興凡民物之利害官吏之點陟法令之當否所恃者郡 臣竊惟國家自軍與以來紀綱日失其序陛下赫然中 當狀 117


松之子厚其益具即除軍器少監意猶未已遂傾對結 罷熟復結王黼而得舊物黼敗人為源危之方是時季 進身之資初自常調結林靈素孟昌齡而得監司未幾 謹按呂源升卿之子家富于財專以包苴交結權倖為 同為一路以此士論沸騰相視竊笑茫然莫知其端臣 邦彦當國知趙子崧者邦彦所厚之客也遠以女妻子 者八進職進官進賜名錫章服父贈待制所生母封夫 **梁師成無何除職帥廣西及賜對便朝一日而獲恩數** 九正四年全日 神孫張

人諸弟補官之類皆人臣非常之思蓋師臣極力薦援 為得計而忘其身之聽也自後除延閣典大藩對賓客 身雜胥吏趣走楨前倚託權勢傲睨視人施施然自以 ·譚楨之奴者楨之討方臘也仲謙以官從軍秃巾小帶 過為副使而已呂源何人輔當此選若仲謙則甘心為 運使夫兩浙名部也轉運使崇資也平時進擢能臣不 廷必深知其所爲且斥而不用矣曽未閱月爲兩浙轉 稱其所路而為之報也比者源被召赴關士大夫謂朝 菱

當劇煩似有風力以為足以辨两浙之事臣竊以為過 輒言仲謙卵異皆顯之之賜顯之楨字也此浙人熟聞 乎若朝廷以二人者沾沾自喜似敏敢為誕漫似才奮 而親見指名而唯侮者奈何使之持節居其士民之上 老成而知大體者威惠兼行庶幾稍定當此之時豈堪 矣今兩浙人心未安緩之則凌遲急之則紛亂正當得 二小子重擾之耶況近者臣僚論列自崇寧以來詔附 **烫定四庫全書** 類得官得職者並行追奪且鏤板籍記姓名為萬世 净泽县

得直龍圖閣仲謙由譚楨而得直秘閣皆當在奪聯籍 呂源除两浙轉運使姜仲謙除兩浙轉運副使詞頭臣 該善人聞之解體姦人得以乗問窺何其害非細所有 廉平之吏毋使十四州之民謂朝廷用人復如前日之 無怪士論之紛紛也伏望睿慈連罷源仲謙别選修筋 名之數者既未掃除乃同時陛雅不知朝廷好惡安在 姦邪之戒蒙陛下開納施行今源由靈素昌齡師成而 敢撰進





安定四庫全書 浮溪集卷三

集部

詳校官庶吉士臣翁樹培 侍讀臣孫球覆勘

總校官檢 計日何思 釣 校對官編修臣朱 攸 磨録監生時知康

シャンロー こんこう 通于天而天養我也然臣嘗觀古者兩敵相持所 Care of the Contract of 16.501.00.00 July 1.00.00 THE PROPERTY PROPERTY AND 在一个一个 Confest Special Software 浮溪集 竹子 かり 師至江嬬不渡此陛下愛 今五年無歲無兵而去冬 宋 汪藻 撰

費者機會此勝負存亡之分也敵兵既退國家非暫都 金陵不可而都金陵非盡得淮南不可淮南之地金人 皆可耕墾臣愚以為正二月間可便遣劉光世或呂題 棄決非朝夕可還也國家欲保淮南勢須屯田則此田 本業十室而九其不耕之田千里相望流移之人心已 蓋可驅而去也淮南存罹金人蹂踐且羣盜繼之民去 必不能守若為劉豫經營不過留簽軍數萬人而己耳 浩率諸頭領招安人馬過江營建寨柵除現存人戶田

中原既固行在藩籬且清東南羣盜此萬世一時也取 諸軍分地而耕俟糧食充盈規模已定然後徐步而圖 産不可借外其餘流移未還者明降指揮各借五年使

進止 論僑寓州郡劄子

據于江南北僑立州郡納其流亡之人故江都謂之南 臣聞自東晉以來累朝皆治金陵當時中原為五姓所

竟州則竟州之人所居也京口謂之南徐州則徐州之

てのコーニといる

浮溪集

之恩一 也今年建康鎮江為韓世忠岳飛所招通歸者無慮萬 劫質以死脅之出于不得已而然耳固未嘗一日忘宋 兩河人民列之行陣號為簽軍彼以數百年祖宗涵養 人所居也以至南豫州南司州亦然比金人入寇多驅 人其情可見臣愚以為莫若因此時用六朝僑寓法分 西諸縣悉以兩河州郡名之假如金壇權謂之南相 許相州之人皆就金壇而居其他類此無事之時多 旦與我為敵者豈其本心哉特妻子父兄為其

以待僑寓之人計口而給與土人雜耕撫存老幼係累 骨肉親戚故舊皆在其有無足以相通禍患足以相致 其心俟稍安居料其丁壯教以戰陣皆精兵也必爭先 劫之後人遭殺戮戶絕必多如令有司籍定田産項數 與鄉居無異亦何為而不居乎哉況浙西州縣昨經焚 印文榜先行散布使皆明知國家優恤之意俟其入寇 ているい いい 用命永無潰散與夫從彼驅擄反為我敵者其利害豈 以旗幟招之彼既知所居各有定處粗成井邑父兄 浮溪集

達朝命特降兩官又緣自陳四任堂除粗有勞效乃發 是耶為非耶若以為非則方命不從者堯四凶之罪也 運使李祐劄子保奏復令在任臣不知朝廷以士理為 罰必及惡然後人知所懲未聞且賞且罰而可以為政 也謹按趙士段始以竊遲赴官不肯受代朝廷怒其稽 臣竊以人主之柄賞罰而已賞必及善然後人知所勸 止相萬哉取進止 奏論趙士瑗高郵軍再任不當狀 巷

乏材豈無一人可治高郵如士段者耶況新除人別與 罰臣竊惑之且士段自陳歷任有勞至據其所臨推之 錄者宣和之風也今陛下中興當痛華此弊奈何因士 官無援者待闕及期輒為人所奪有十年不霑一日之 差遣在任人選延依舊使有力者交結當權無日不居 不去公違詔條不顧義理亦可謂無廉恥甚矣縱方今 也不應使之降官以一士理之身而一日之間可賞可 不應使之在任若以為是則借留在任者漢循吏之思 浮漠集

臣聞人主之政公與私不並行恩與法不兩立以公滅 士瓊依舊在任降兩官詞頭臣未敢撰進 或且令無遲赴任斥去士瑷為後來鄙夫之戒所有趙 得之矣此風漸不可長伏望聖慈别擇能更知高郵軍 為尚欲貪禄則冒恥自陳及計會監司僥倖保奏者皆 **琝復啓僥倖之門耶臣以為不罷士瑷恐人人效其所** 以法奪恩者治以私害公以恩撓法者亂此古今不 奏論那煥孟忠厚除授不當狀

易之道也陛下以邢煩為中宫之父易文資從武中外 之人関然不息致臣僚交章論奏雖煩聖訓諄諄誨諭 之人莫不以爲當而稱贊聖德不已者以其出于公法 之封侯猶皇子之為王者太后誠存謙虚奈何令臣獨 之母帝欲封其家太后屢辭不許帝重請曰漢與舅氏 終莫能弭者以其出于私恩也昔漢明帝馬后為章帝 也至以孟忠厚為係隆祐太后之親令依舊文資中外 不加恩三舅平其言可謂切至而后終不從至數年僅

こうしい

N.

浮溪集

此豈不以婦人內夫家外父母家宗族太寵非己之福 内之人非特得以議陛下而于隆祐亦不能無疑非所 寵與不能耳隆祐太后盛德著問天下三十年于兹矣 那故自古欲觀母后之賢否者無他在于能遠外家之 許封關內侯而已彼外戚封侯漢法也而明德拳拳如 以成隆祐遠嫌之德而全陛下孝養之誠也此事所係 輕臣不敢緘黙伏乞睿慈檢會以前臣僚章疏詳加 旦以忠厚之故使陛下屈公法而隆私恩臣恐海

金好四人生

敢施行 省覽早賜施行所有邢煥孟忠厚書贖行下指揮臣未 華等係參酌元犯降等陞紋今來臣寮論列若全不殺 臣昨論王華等不當因赦復職陛下親降德音以為王 復即不霑登極赦恩可于逐官更行減等降職臣狂瞽 奏論宋晦落職不當行詞狀

之言既家陛下留聽又煩聖訓委曲開諭如此臣雖至

愚豈不知幸然臣區區猶有不能已者敢因宋晦再為

浮溪集

文三四年三百

郭問父老日郭何故亡曰以其善善惡惡也曰若子之 罪故也其賞罰不當莫甚于因赦復職之人昔齊侯之 陛下陳之臣聞慶賞刑威曰君言賞而人不以為慶刑 言賢君也何至于亡父老曰郭君善善而不能用惡惡 夫方命偃蹇莫知聽上其故何哉以賞不當功罰不當 下之人無不畏威而懷德然兵出則叛將用則北士大 年于兹矣宵衣旰食側躬修行非不勵精焦勞是宜天 而人不以為威者非人君之道也陛下自臨御以來半

類乘時詩謬攘取公器如盜賊然及其平生一無分毫 則奴事間官以進身也如此等輩皆僕厮之材本非士 勢者非貨結權倖則權俸之親也非誤國開邊以取賞 其素分耳况名位已極矣家貨已積矣子弟已官矣親 平之風無幾可復彼一時饕竊之人雖盡行削奪適還 日之福幸陛下中興清議亦望稍伸播紳亦望行志承 可得之理以此清議不伸播种道喪天下切齒馴致今 而不能去所以亡也自崇寧以來綱紀日紊其兼官據

久里可見人工

浮溪茶

今日陛下亦既深知其非乃徒以赦恩之故復使纍纍 當復也何以言之階官者積歲月可至而職名者人主 謂曠然一新者臣以為赦所當復者復其陪官耳職不 子常不幸耶臣恐蹈郭君不能去惡之戒而四方解體 然玷汙清貫將使終身保其寵祭一何小人常幸而君 所以待天下英俊一時甄耀之權苟非其人終身莫得 也或謂登極赦者人主非常之思也于此而不復非所 戚已顯矣士大夫 猶謂有已不可追奪者為國家之恨

豈不難哉議者又謂彼職名者朝廷既已與之矣若奪 此其難則英俊之人有以相謂矣曰我何以砥礪為哉 大三日·1 100万 而已昔管仲奪伯氏駢邑三百飯蔬食设齒無怨言以 而不還如咨怨何臣以為人主與奪但問其當與不當 正使寒遷不過與此曹等耳欲望風節之疆事功之立 為復哉若小人其初得之如此其易既得之後奪之如 今赦其過失復之耳既止緣僥倖初無當得之理何名 而至也且謂之復者言其才足以當此偶緣過失奪之

浮溪东

效過惡申三省用祖宗舊法每等止留數人無其人則 者自觀文殿學士而下直秘閣而上共若干人每職分 此數鄙夫不樂哉臣以為如宋晦輩治之不勝其多何 此豈陛下以人主權勢之利革數十年名器之濫而憂 不聞其咨怨也彼管仲吉甫人臣耳猶能使人退聽如 其公也李吉甫相憲宗省冗官八百員吏千四百員亦 一等每等集為一類各具得職奪職因依及其人勞 煩朝廷詞命伏望陛下詔有司取會凡有職名

士乞見朝廷亦不問而許之錢蓋以誕慢落職初未當 闕其餘取古雖未奪者悉行追奪不止于不叙復而己 此者臣竊未喻臣愚欲乞如修年億年並明降指揮熟 及待制以上者並罷而近日鄭修年億年公然以雜學 夫而止臣又聞昨降指揮前宰執子弟因思澤帶貼職 奉者皆前日姦党邪佞之人非所當得亦乞降至中大 復也而于奏狀擅帶龍圖閣待制而羣臣亦無一言及 又有雖當落職而寄禄官切竊至銀青或通奉正議正 18 浮溪集

とこう ここ

未敢撰進 為當得熟為當罷指定姓名鏤版施行如錢蓋者問其 陛下守此名器輔成中興之業所有宋晦落職詞頭臣 何以復職如無所因即重行熙竄無幾卿士大夫共為 而得少休息者正頼其不能觸熱故常已寒方至未暑 夏計臣雖幸其不然然心竊憂之以為中國困于强敵 右臣昨自三月末得之傳聞云金人在建康築城為度 奏論金人留建康乞分張浚軍馬策應狀

P

觀黃榜備録韓世忠捷奏又謂朝夕必可掃除今近二 其度夏則長為安宅無所忌憚不知朝廷何以枝梧泊 先歸吾于半年間汲汲措畫猶每歲幹命不暇今若縱 十日矣其耗寂然未必皆實兼數日人自常潤來者皆 言金人窮蹙之狀臣竊欣幸以為三月所傳誕妄耳續 到行在聞韓世忠列戰艦江中遮其歸路日有所獲且 及穴山作小洞子以為逃暑之地陸增城壘水造戰船 云敵于蔣山雨花臺各割大寨抱城開河兩道以護之 災定四草全言 一人 浮淡集

其本為度夏計而陽為窮壓者特以疑我師那建康為 與三月所傳又似符合臣聞金人動設說許尤喜為窮 年去己月餘乃反去而復回其欲留建康明甚如此則 壓之狀以疑我師我師墮其計中者前後非一今安知 此而通者若金人果據此為安宅則東南饋的遂絕如 東南咽喉國之門戶也天下轉輸朝廷號令未有不由 而采石金人已渡復回者纍纍不絕今且五月矣比常 扼其咽喉守其門戶果得高枕而即乎不知羣臣日

又有意外之憂所難言者不得不愿臣愚以為此事所 係非細廟堂當若救焚拯溺然朝夕在念及五六月間 講者承平之先務乎抑揣陛下非所樂聞而不以聞也 之患將使懲創終身不敢復南其利害豈不相萬哉雖 我師便利之時會諸將與世忠一舉掃除非特去目前 我緩急以為向背國家果有力能使之退聽屏息乎況 不惟是而已人既扼我咽喉守我門戶則羣盜亦將視 至上前亦當有反復及此者否豈遂以為無事而所當

火足四至一至一日

•

.污淚

*

莫知其數必破膽奔潰此制 立 策應此固陛下長算也不知張浚果能為陛下有慨然 既皆新人必精銳可用且敵人見上流之師突然而至 順流而下仍于上流自計置糧斛載以自随彼張浚軍 翰星夜兼程自襄鄧荆湖以來 迎張後軍令分數萬人 功之意乎臣愚欲乞專差得力使臣數人齊陛下震 間 近遣張浚提兵過江節制浙西人馬迤邐前去以為 氣候稍凉彼得時矣機會一失雖悔何追伏望春 敵一奇 也如其不然八九

數千里百萬生靈肝腦塗地二聖北符至今未還其禍 曹有犬吠之警也一旦 姦臣唱為取燕山之計貪功啥 慈不以臣言為愚輕此賊忽此事特加採納不勝幸甚 恨尚復忍論當時之功乎熟良治臣不知其何人亦不 蓋始于燕山今士大夫聞說當時之事者無不流涕痛 進之徒如納奔酸希慕恩賞卒之敵騎再逼都城喪地 臣竊以國家承平幾二百年朝廷安富尊祭中原初未 論縣良治轉官不當狀 浮溪集

孜敘無幾杜塞無名之賞慰天下忠臣義士之心所有 知其功狀虚實但今日而録燕山之功實為非政且良 非所以訓臣愚伏望聖慈明詔有司凡燕山之功更不 愈甚不與則恩施不均恐于綜核名實鼓舞四方之時 蘓 良冶轉官詞頭臣未 敢撰進 右臣先奉敕與三司同共詳定均稅已立條約下諸路 人被賞其類必多將源源而來朝廷與之則其失 七懲勸均稅狀

每定四层全書

均立縣稅皆得平允並無人戸詞訟若與庸愚之人煩 監司行去記竊以為國家凡欲立事當先使賞罰明白 望朝廷察其勤瘁優加酬獎并其餘均稅官吏隨其功 擾敗事同歸常調一等殿最則能吏解體必無成功伏 然後事無不成伏見職方員外部秦植前通判德州事 臣昨待罪禁林當于經庭面奏本朝實録自艱難以來 過量行懲勸則來者親之無不盡力矣 乞修日歷狀 // 浮溪集 Ì

皆有成書流傳人間頗有其本朝廷己訪而藏之御府 矣若太上皇帝淵聖皇帝及陛下建炎改元至今三十 金匱石室之藏無復存者伏觀列聖自哲宗皇帝而上 謂之春秋以此見無國無史也春秋以事繁日以日繁 無國無史史未當一日無書晉謂之乗楚謂之構机魯 餘年並無日歷乞詔有司纂述未見施行臣竊惟自古 未當一日無書也漢法太史公位丞相上天下計書先 月以月繁時以時繁年必四時具謂之編年以此見史

上太史公副上丞相唐及本朝宰相皆兼史官其重如 所以廣記備言垂一代之典也若曠三十年之久漫無 此故書楊前議論之辭則有時政記録柱下見聞之實 宣子適魯見易象與春秋日周禮盡在魯矣吾今乃知 則有起居注類而次之謂之日歷修而成之謂之實録 何入秦先收丞相御史律令圖書藏之沛公具知天下 周公之德與周之所以王則國家守文者不可無史蕭 文三四事人安与 一字之傳將何以示來世乎此其不可不纂述一也韓 浮溪集

國家創業者不可無史今陛下躬受天命雖名中與實 院塞戶口多少强弱處民所疾苦以何得泰圖書也則 此其不可不纂述二也恭惟太上皇帝聰明睿哲之資 耕桑萬里視唐虞三代無不及馬淵聖皇帝恭儉憂勤 道在位二十餘年未嘗刑一無罪殺一不辜涵養生靈 孝友温恭之德畴咨臣下言必成文裁決事機動皆合 兼創業守文之事乃一代典章殘缺如此恐于理未安 招延聽納雖登至尊之日淺而膏澤浹于人心止緣姦

朝陵遲之禍亟不知二聖積累之功深茲事非輕羣臣 臣誤朝馴致遐将今若無書紀實恐干載之後徒見一 况三十年之間朝廷之施設豪傑之謀謨政事之廢興 當任其責此其不可不纂述三也自古史官無所不録 熄一事略而不載則一事隱且當時羣臣問有在者以 **史包四車全書** 為忠賢耶不著其素行安知其可嘉以為邪佞耶不條 人之服叛有本有末有源有流一法弛而不書則一法 人材之進退禮文之因革法度之罷行歲事之豐山遠 1. 浮溪集 苴

美及今耳目相接尚可追求更數年間事將湮没雖有 隱莊則其事略聖人猶爾況其他乎中原失平三見閏 良史莫知所憑況比年風俗之衰公論不立士大夫取 所聞異辭所傳聞異辭孔子作春秋于定哀則其事詳 文之義哉此其不可不纂述四也公羊傳曰所見異辭 其宿姦安知其可棄苟因散逸遂廢其書豈孔子及闕 乗時訂正則數世之後信以傳信疑以傳疑是非混淆 予皆出爱僧因一事 為一人 而著書行世者多美若不

者雖顛沛中史官不廢況今邊烽稍息厚盗屏除正朝 罪之文尚班班可及失今不輯臣實惜之古之有國家 餘獨不殘燉視諸故府案贖具存如御筆手詔賞功罰 帝日歷東觀凡例臣預聞馬今所領州又幸經兵火之 其不可不察述五也臣政和中為著作佐郎修太上皇 人 うここい 所有御筆手韶賞功罰罪文字截自元符庚辰至建炎 廷蒐討補關之時也伏望睿慈許臣郡政之餘將本州 白黑顏倒小人之說行而君子受其誣矣可不懼哉此 q 浮溪集

之類繕寫進呈以備修日歷官採擇 已酉三十年間分年編類仍量給官錢市紙割募書工 金定也一人生言 **劄或家集行狀今湖州土著及流寓士大夫家未嘗** 臣契勘御筆手詔賞功罰罪文字但見當時所頒命 被兵藏書具在如陛下從臣纂集乞并賜移文于逐 令若除受差遣點陟與臣僚出處始終則有所授告 家取上件文字録記付還庶幾粗成編帙伏候敕旨 貼黄 10

急棟宇傾仆將就泯滅臣實惜之竊謂方今多事之時 拳拳于真卿者豈非以忠義感人有不能忘者耶白艱 刻真卿以大歷七年自撫州除湖州剌史建今四百餘 伏見本州城東能仁院有唐顏真鄉祠堂一所謹按石 所以昭勸羣倫者忠義為首而名節暴白莫如真卿昔 難以來州縣官吏日以軍與為憂如真鄉之祠見為不 年州人奉祠不衰前此為湖州刺史者多矣而此州獨 てこうこ ここ ** 浮漢集

湖州奏乞修魯公祠并賜額狀

車駕駐蹕臨安真卿之祠適在旁郡若不特加崇獎恐 異代之忠示將來之訓真婦風烈誠不在巡遠之下幸 章聖皇帝東巡嘉張巡許遠之節至親幸其祠所以旌 仍乞賜一敕額伏候敕旨 材葺治顯遺直之魂激懦夫之氣誠非小補如雾俞允 無以慰邦人之思伏望聖慈量給度牒十餘道付臣市 右臣昨蒙指揮編類上件詔旨雖訪尋墜典綴緝缺文 書局轉官辭免官割子


重定正月生音

惟愚分難安實懼人言可畏所有語命不敢祗受 空餐恨無毫分仰報知遇豈有偶緣一事便冒遷官非 故不殊有何勞能妄切顯秩況臣方食奉祠之禄日愧 以備史官之求粗有區區之志然未當筆削一字與掌

少己四車至三 人

浮溪县

ナ



欽定四庫全書 臣叨受國恩早居法從方百六朝廷之厄會偶二三輔 **睟表之非遇猶鴻稱之未正辱居近列殊震危東伏念** 天命有歸將嗣與于景運人心胥脫咸睡就于至仁雖 次定四軍全書 表 浮溪集卷三 羣臣上皇帝勘發第一表 ·泽 ·溪 宋 汪藻 撰

步之艱二帝出郊既蒙塵而不返九祧乏祀將攝裸以 光膺神器嗣一祖八君之傳序慰四方萬里之謳吟誓 益輒慕周勃安劉之計庶伸程嬰存趙之忠僕奉真 觀濟否之如何使生靈相顧以無歸雖溝瀆自經而奚 則甚明蓋天下屯危方苦存亡之未定而古人事業惟 為名所宜引死以力爭顧獨包羞而茍活生雖可恥志 弼之無人猥以庸虚麥其謀議旋屬敵情之變遽成天 歐刀 敢煩司敗幸率土相從而歸啓且諸侯不輟以

清宫之職 懇款以樂推猶逡巡而牢避凡茲俟命安可措躬恭惟 朝清廟時方多故幸少留黄屋之心臣既無功願自謹 趣駕未央之宫盛九賓之禮以見羣臣輯六獻之儀而 威伏望皇帝陛下中奮英明外符信順受圖高邑之遺 事周雖國鴻体實臣素志願假須史之死前瞻咫尺之 天人同心方嗣與于有德宗社重事可久曠于常尊雖 上皇帝勸進表 浮溪集

皇帝陛下識照幾微誠多化育早蘇神明之胄茂昭文 啓千齡之運伏望皇帝陛下俯占與誦光御法宫治中 今九廟尚虚于裸獻两河未入于與圖繼體守文當亟 武之英有開必先既訟獄謳歌之畢集惟徳是輔將神 收于衆俊宅中圖大宜深究于遠圖儻差一日之幾孰 徯四海畴依惟聖人所貴于因時凡天下莫先于定分 祇祖考之成安當承再造之休乃守一謙之益三靈交 而撫四方履至尊而制六合雖以位為樂非堯舜之

銀定匹库全電

本心然其命維新蓋周邦之舊物瞻威在望得請為期 白天英明冠古躬返樸還淳之儉奮興衰撥亂之剛方 命殆将今古以同符必國步艱難始天地出非常之主 三靈宗社之有歸將萬世人民之永賴竊放帝王之受 天啓昌期御蘿圖而出震人瞻晬表負黼展以當陽既 率土之謳吟共思劉氏宜昊穹之思數專在舜躬爰除 及治功宏濟乃子孫承罔極之休恭惟皇帝陛下勇智 羣臣賀皇帝登寶位表 浮溪集

王之邦有三千同德之臣共扶鴻業用七百十年之數 復即觀二聖之還臣等幸備周行獲達嘉會接千歲之 重立不基方圖政事之修獨運神明之斷豈止兩河之 高邑之壇俯應大横之兆取炎精用事之月即藝祖興 金定巴尼人言 涓日上春移都近甸用虞書東狩之禮示魏闕西歸之 統交侵行於于四邊盛九賓之儀率舞但同于百獸 期國步寝康人心胥悦竊以用永地于新邑盤庚所以 車駕移雖臨安府賀表

靖民會諸侯于東都宣王由之復古不有真主孰恢遠 圖恭惟皇帝陛下清明在躬彊勉行道自強鄰之荐入 京先移清雖越濟江而北渡御方岳以中居臣蚤扈時 者有如于歸市既天心之悔禍宜宇內之休兵將返舊 力圖於與復始遊襄野卒然雖假于問途旋駐岐山從 為宗社之深憂側身修行而志極于艱危非食卑宫而 長安之近 巡適嬰郡寄入關建策莫輸戊卒之忠望日馳誠徒喜 欠己四年全日 , 浮溪集 凼

哀爰整六師據高文之宿憤既王者不聞于有外故春 皇帝陛下孝通神明誠配高厚雖居萬乗躬曾閱之至 圖非宴安而熟戒矧謀舊物之復可諱屬車之勞恭惟 江山地險將定厥居興衛天行先巡所守會公侯方岳 五遷而商人卒服重耳三駕而楚子莫爭方宏遠之是 之下覽形勢帝王之州宇宙清明華夏震疊伏以盤庚 秋尤大于復讎臣方奉真祠莫居官守與鄉那而續晉 車駕移興建康府起居表

從簡約用示憂動臣方遠闕庭莫供牧圉神戈所指方 惟皇帝陛下誠貫神明資兼智勇合羣英之策慮興中 萬旅戒嚴六飛巡狩法成周之時邁張大漢之天聲恭 之祀竊陋前規遊雲夢而縛信以歸願求故事 否之基圖念問安猶隔于雞鳴豈撥亂得辭于馬上姑 令裴度以視師清蹕之行將獲呂嘉而名縣 次定四車全書 車駕親征起居表 車駕巡幸起居太上皇表

類先 就日之誠莫遂瞻天之意居舍人時所作因本集 膏露于金莖自然難老臣等幸參法從當侍清光徒傾 物者遊熟肯以天下為事遭之珠于赤水久矣相忘飲 劫恭惟太上皇帝陛下研幾緊表探蹟寰中既與夫造 年運而往天時俄及于凜秋日舒以長物外方觀于浩 伏審皇太后旋與朔漠正位東朝惟一人修不已之誠 次後 于無 此 改 皇太后還闕賀表 原為

故四海親非常之慶恭惟皇帝陛下德配萬厚孝通神 乾象垂精稍哪清臺之候聖心祇戒久稽路寢之朝既 娶官守阻造闕庭方數唐朝屢下建中之詔忽聞漢殿 威融融 洩之詩於昭夢日之祥永享含飴之樂臣屬 明躬行曾閔于九重力奉姜任于萬里雖天人之交相 實今古之未聞十載中天瞻鬱鬱慈慈之氣一朝廣內 新長樂之儀遥知坤極之尊莫望天顏之喜 星變百官請皇帝御正殿表 浮溪集

皇帝陛下光紹祖宗五膺歷數萃勤儉于一已濟艱難 翼翼無日不恭比緣象緯之愆昭示國家之戒皆臣子 四方秩請願瞻日月之光儻降次以自居則在庭之安 之正損厥奉御出于精誠然百辟晨趙宜肅乾坤之位 素餐之過何聖神軫念之深乃遷黼座之尊退避法宮 之百為雖功如堯帝之巍巍與天同大然心體文王之 侵冷之潛銷猶弊儀之未復凡居覆悔孰不屏營恭惟! 仰伏望皇帝陛下特回淵鑒俯徇誠祈稱警蹕以出房

多定四庫全言

星字經躔茲為變異帝居便坐爰示焦勞既蒙昭格之 一侵之文儒者守災祥之說求厥象類捷于形聲惟皇天 休宜復敦臨之大仰輸誠懇未賜俞音竊以聖人明精 柳以答高穹之意 垂衣裳而當宁向明而治合禮之宜不惟安羣下之情 寫佑于人君乃垂譴告在明主丕承于上帝獨有寅恭 比妖象之下臨雖有邦之所戒孰云憂責上及聖神若 っていしり 見 たいあ 星異請御正殿表 浮溪集

饍羞之珍仍蠲聲樂之奉布詔書而求民瘼開言路而 一種太史之占靡推于數躬正格王之事不應以文既損 ·弗御九筵之居于盛德以維光在羣情而實懼伏望皇 達下情其為報塞之誠可謂精專之至尚虞五事之闕 帝陛下俯稽邦典參酌民言正天子當陽之尊副海隅 傾日之意瞻威在望得請為期 保章瞻象既除星禄之災太僕詔王盍正朝儀之位存 でんせたとう 星變請御正殿表

甚桑林之祷比逢大異尤較清東靡臨便坐之朝退即 皇帝陛下憂勤御宇寅畏事天側躬如雲漢之詩省己 致妖氛之息精祲已通于上下等殺宜肅于尊卑尚屈 布瞽言之瀆未蒙淵聽之移敢冒威尊再陳悃临恭惟 天威昌全國體伏望皇帝陛下順抑揚之理協中外之 齊宮之次雖星移應德本縣和氣之非然人定勝天卒 钦定四車全書 心躬東雅璣齊列宿左行之度光臨黼座示一人南面 之尊積此怨誠析于於九 浮溪集

蓋世無一定之宜則朝有屢遷之令既閱歲時之積遂 政省藏書實紀機衡之要儒臣奉詔重加筆削之功粲 増品目之繁不綜其歸熟稽而決況臺省紀綱之地蓋 然詮次之新成以緝熙之久裁為信典仰冒清光臣伏 國家政事之原治厥孫謀當屋紛更之患視諸故府多 以帝有所興雖本精神之運事為之制必求防範之中 **蹖駁之餘顧雖日月之奚傷正恐江河之易犯懋昭** 宰臣進三省通用格式表

號令文章煥然可述會萃累朝之式編摩一代之書蓋 帝陛下政循周舊法體竟成惟聰明春知足以有臨故 成憲有待聖時肆垂三尺之文盡削兩端之弊恭惟皇 等蚤以褒揚總茲論撰退慚末學無國僑潤色之才願 之光百世可知奚取質文之變部居綺錯凡要星陳臣 將垂裕于無窮豈復習傳于既往三聖相授益為孝友 與羣工遵文考儀刑之典 欽定四庫全書 元命日百官乞詣寶録宮行香表 老 浮 漢 集

忠海輸個個之辭未動崇高之聽敢同衆志再冒嚴威 天佑民而作之君宜膺備福臣歸美以報其上其效微 遠意則無窮茲愛戴之常情非寅恭之過禮敢圖睿聖 神炭之期開六十日之回旋時馬致款祀億萬年之綿 願然別逢基命之辰茂集紀生之慶眷惟吉壤風有殊 臣伏以至人無名豈陰陽之能制大德必毒蓋臣子之 庭標秘錄之新名會叢霄之真馭當肅朝紳之列就增 固執謙虚謂將仁壽以同民不欲福祥之專己仰戴乾

陛下俯垂淵照曲何羣情許令承學之徒成遂增高之 天下一家王者必期于無外日闢百里聖人務斥于提 圖治以宅中既由中而及外同諸近服錫以嘉名伏以 期于舜獨 算雖華封至賤祈年屢辱于堯辭然莊語可稽受命終 坤之大益深淵谷之危未賜於從若為退聽伏望皇帝 畫封圻城彼要荒之遠列為郡縣赫然亭障之新方 賀建築隆兒州城寨表 学美"

畏懷無鉄矢之遺坐令種落之居皆置朝廷之吏用充 國金城之略過伏波銅柱之封幅員既長錯地形之如 不殺聰明有臨成乎安疆聲教極丹車之至同其實利 封惟茲生聚之毗自昔羈縻之城果入其阻往成于方 存坐成形勝之區無復華離之國恭惟皇帝陛下神武 相望雖廣谷大川之異制書文混一豈故家遺俗之有 稱都護之觞增廣職方之籍疆以周索達于海隅樓櫓 我陵我阿不以山溪之險有民有社在吾邦域之中來

動定匹庫全書

福有象類誠能感通惟日新之德難名則時萬之祥屢 **牒献中天之晃旒悉翰橐籥之藏若有機縅之運伏以** 天地相合充滿至和舟車所通編為祥瑞會四海之圖 毒願陳江漢之詩 應定樂章而為年紀何可殫名旅王命而詔史官始無 幸達休運親睹屑公守在四邊已扼襟喉之勢對楊萬 繡財賦底慎東方物以來琛同我太平惠于中國臣等 賀諸州祥瑞表 子奚に

節符越數州而並見宜作春秋之一藝載彰洪範之九 多定四库全書 符信圖書之上瑞必有召此來非偶然伏以烏本陽精 治格時雜祥昭羽屬生皆異稟凝丹素以成形出若相 轉臣等親賭降康敢忘歸美上符 瑞數千百所既揜前 聞稱封禪七十二君願求故實 用体故物皆不召自至成非彫刻駢界巧以俱新合若 虚日恭惟皇帝陛下功超治古福浸黎元蓋天其中命 賀赤烏白鵲表

鵲知歲事方聖祖紹隆于火德適天時應在于金穰宜 惟皇帝陛下保合太和緝熙純嘏政行喙息皆安性命 大三四草八二五 一 符粹美而真異莊子雕陵之見既九重之有託寧三亚 合采以成章乃同時而薦祉徊翔有燒協周家王屋之 之精擬貢川珍盡發乾坤之為是生神物來相昌期將 駕駕羽毛之潔用明諸福之畢至孰謂二蟲之無知恭 爾珍禽呈茲瑞質孝能致哺煌煌儀則之新喜必傳音 以求安臣等幸列近司喜逢休應有生成遂宜多可俯 浮溪集

快遇皇帝陛下誠參高厚幽贊神明九功皆出于天成 行于積歲略無泛溢之頹波坐息堤繇永無鄰壑茲蓋 方渚涯莫辨馬牛之時舉城郭皆為魚鼈之食豈有安 明伏以河入中原行一十五郡水失故道蓋千三百年 天眷弗違水行斯應盡伏黃流之奔猛來符聖德之休 之巢同類相求將致來儀之鳳 三策靡資子人力氣涉桃華之候民忘蟻潰之驚南畝 賀黄河經夏雨不泛溢表

待薰風之至凝而一色每同積雪之珍未聞春夜之先 之池晉實郇瑕之利緊民仰食與海分功曬以千畦必 鮮獨表炎精之應惟時並見從古罕聞竊以周觀安邑 治格天休祥開地寶神功自著盡輸鹽澤之藏瑞色相 端委以臨既不忘于禹續允猷而翕将無媤于周詩 鑴砥柱之銘行睹珍圖之瑞臣等幸陪近列獲望紫光 相望多稼雲彌于四野金堤不動長橋虹崎于中流宜 欠こコライルョ 賀解池生紅鹽及鹽實自生表 浮漢集 Ī

堅更與朝陽而爭煥蓋天地作成之功連靡顧常期故 協用五行眷惟廣鹵之源實佐大農之用方百神之受 **坎離融結之氣交合為瑞彩恭惟皇帝陛下丕承三極** 無淡食之嗟臣等幸服邇僚欣逢休應既同梅實助聖 下以作鹹粲若霞敷異熬波而出素史有特書之美人 人神鼎之調將致虎形備重屋嘉籩之薦 賀瀘南班師表 一德之昌期宜爾坤靈效茲川貢成非人力真潤

欽定四庫全書 悦此蓋伏遇皇帝陛下操德勇智玩心神明端拱九重 栗入其阻未梅觸藩之禍尚懷拒轍之姦武節載馳靈 種類寝微莫能統一而封疆交備每輛窓攘大張我師 來威四方以之無侮維二川之南鄙有六詔之遺黎雖 書流聞戎漠震竦竊以玁狁孔棘十乗以之啓行蠻荆 有赫旣掃除于妖孽益恢扞于方隅邊障肅清里問安 旗所指伐山通道駭王旅之如飛折馘執俘信天聲之 小醜亂常敢恐陵于鼠穴偏師薄伐旋毀覆于梟巢捷 苍浮 三集 吉

修亞歲之儀茂對履時之慶恭惟皇帝陛下誠多化育 日官祇日于朝告陽來復天子承天之意與物咸亨爰 之詩莫陪漢庭奉觞之慶永言抃躍實倍等夷 宜指期而珍滅臣叨備近職預聞告音徒誦周雅采艺 無忘于遠略鉄鐵飾怒動必克于仇方矧絕塞之荒墟 之中折衝萬里之外沈幾問測獨斷不回干戈省躬居 幽赞神明朔復朔而謹治歷之端形無形而體好生之 江西提舉司賀冬表

德推步舒長之景數得周正逍遥供奉之班心存魏闕 欽定四庫全書 其陋而黄帝之從七聖未免于迷既陽復于黄宮宜慶 皇帝陛下道隆治古澤在生民雖孔子之居九夷寝忘 伏以日官推三統之元茲為終始王者會八能之士以 **諧至願御穆王千里之駁惟祝遄歸** 回于丹展臣違顏茲久結應殊深上漢殿萬年之觞莫 卜豐凶惟亞歲之佳辰啓後天之遐福恭惟太上道君 已酉年冬至遥拜道君皇帝表本 **基浮** 主

電裕而足有容風語民願進退存亡而不失正允合天 伏以接千載之統推神策以膺期上萬年之觞御端朝 之新第于占則吉知襄城之法駕不日而旋 遠恭惟太上道君皇帝陛下功齊列聖道冒羣倫温柔 伏以三微肇序方迎舜日之長萬類傾心同望堯雲之 理極屯艱時當亨復臣久違温清徒較夙宵聽解谷 辛亥年正旦表 庚戌年冬至表

遠威顏将更時序當璣衡之載復悵旒展之猶縣鴻鴈 雖賓莫附帛書于沙漠風壽中阻徒瞻雲氣于蓬莱 汾水之陽久忘天下文王遇明夷之卦益見聖人臣自 粹精怡神沖漠方席宗祧之慶遠成國步之艱帝堯游 接千歲之統方啓昌期盛九賓之儀大朝獻歲會籍經 而受社若稽故實遇企清光恭惟太上皇帝陛下體道 于率土瞻旒展于中天恭惟皇帝陛下道冠羣倫澤 紹興十五年元會賀表

ヤミカライショ 一

浮溪集

慶受四海之籍遥企于垂衣奉萬年之觞莫陪于 備臣久塵法從叨領真祠聞風典之復行與羣情而交 億世天休滋至知受命之惟新治具畢張見修文之益 溪集卷二 Ł